

Bíblia ba labarik sira
aprezenta

Paskua
Primeiru



Hakerek na'in: Edward Hughes

Hahilas na'in: Janie Forest
Alastair Paterson

Adapitasaun: Lyn Doerksen

Tradusaun: José Guerreiro Junior

Produsaun: Bible for Children
www.M1914.org

©2020 Bible for Children, Inc.

Autorizasaun: Ita-boot iha direitu atu halo kopi ka printer
istória ida ne'e, desdeke la faan.



Matan triste husi feto ida
observa hela buat ida
ne'ebe triste no susar
liu iha ema nia klaran
iha foho ne'eba.
Ninia oan mate.
Inan ne'e mak
Maria no nia
besik hela iha
kruz ne'ebe
Jesus hela
kesik ho
pregu.





Oinsá hotu ne'e akontese? Oinsá Jesus nia moris katak maravillozu bele ramata ho forma susar hanesan ne'e? Oinsá Maromak bele fó permisaun

ba ninia oan hasik mate iha kruz ida? Karik Jesus hanoin sala sé mak nia? Karik Maromak komete fallansu?






La'e! Maromak la halo fallansu ida. Jesus la hanoin sala. Jesus sempre hatene katak nia sei mate liu husi ema aat. Bainhira Jesus sei bebe, mane ida ho naran Simeão konta tiha ba Maria katak buat susar ne'e sei akontese.



Loron balun
molok Jesus
mate, feto ida
mai besik nia no
fakar mina-morin ida
ne'ebe karun liu, nia
fakar iha Jesus nia ain.
Eskolanti sira hatete:
"Tanba sá hahalok
hakfakar ne'e". Maibe
Jesus hatan: "Nia halo
mai ha'u buat ida ne'ebe di'ak liu.
Saida mak nia halo mak hamorin ha'u nia isin
para ha'u nia hakoi." Liafuan ne'e eskizitu!



Entaun Judas, eskolanti ida
husi sanulu resin rua Jesus
nian, konkorda atu entrega
Jesus ba xefe sira husi
amlulik tan osan-besi 30
husi osan-mutin.



Iha festa Paskua judeu sira nian, Jesus haan ninia refeisaun ikus hamutuk ho ninia eskolante sira. Jesus hatete ba ninia eskolanti sira kona-ba buat ne'ebe maravillozu husi Maromak no ninia promesa sira ba sé mak hadomi nia.






Entaun Jesus foti paun no
fó ba ninia eskolanti sira,
no dehan: "Foti no han; ne'e
mak ha'u nia isin." Depois
nia foti tua kopu ida no liu
ba eskolante sira, no hatete:
"Hemu imi hotu tanba ne'e
ha'u nia raan, ne'ebe fakar iha
favor husi ema barak
atu fó perdaun
ba sala."



Entaun Jesus konta ba eskolante sira katak ema sei trai nia, no katak sira sei halai. "Ha'u nunka soe-hela Ita-Boot" - dehan Pedro. Maibe Jesus hatan: "Molok manu-aman fó lian ó dehan dala tolu katak la koñese ha'u."





Depois, iha kalan ne'eba, Jesus ba atu halo orasaun iha jardin Getsêmani. Eskolanti sira ne'ebe hamutuk hela ho nia hadukur. Jesus halo orasaun hanesan ne'e "Ha'u nia Aman, se Ita-Boot hakarak, hasai tiha terus ne'e husi Ha'u! Maibe la bele halo tuir Ha'u nia hakarak, halo tuir Ita-Boot nia hakarak de'it."



Derepente, soldadu
barak mai to'o jardin
hamutuk ho Judas.
Jesus la halo buat ida,
maibe Pedro ko'a tilun
husi mane ida. Ho
kalma, Jesus kona iha
tilun husi mane ne'e no
kura nia. Jesus
hatene tiha katak
buat hotu ne'e halo
parte husi Maromak
nia hakarak.



Soldadu sira lori ba Jesus ba Amlulik boot nia
uma. Iha ne'eba, lider judeu sira hatete katak

Jesus tenki mate. Besik
husi ne'eba, Pedro
tuur hela hamutuk
ho fuinsionáriu
balun, besik ahi.





Dala tolu ema sira hatudu Pedro no hatete: "Mane ne'e mós hela ho Jesus." No dala tolu Pedro nega

katak koñese Jesus, hanesan Jesus fó hatene uluk ba nia. Pedro até jura no dehan katak Maromak bele kastiga nia se ne'e la'os lia-loos.




Momentu ne'eba,
manu-aman fó lian.
Sai hanesan Maromak
nia lian ba Pedro. Bainhira
nia hanoin husi Jesus nia
liafuan, Pedro tanis makas.





Judas mós tirste hela. Nia
hatene katak Jesus la'os kulpadu
ba sala ida ka krime ruma. Judas
fó fali osan-besi 30 husi
osan-mutin, maibe xefe
sira husi amlulik
sira la simu fali.





Judas soe
liur osan no
oho-an.







Amlulik sira lori Jesus to'o Pilatos, governadór husi Roma. Pilatos ko'alia: "Ha'u la hetan motivu ida atu fó kondenasaun ba ema ne'e." Maibe povu hakilar: "Prega tiha nia ba krus! Prega tiha nia ba krus!"




Entaun Pilatos desidi fó kondenasaun ba Jesus atu mate. Soldadu sira baku Jesus ho xikote, tafui nia no foti ninia ropa. Halo ba nia leu-ulun ho ai-tarak no tau iha Jesus nia ulun. Atu ramata sira prega nia iha kruz.



Jesus sempre hatene katak ninia mate akontese hanesan ne'e. Jesus mó hatene katak ninia mate sei lori perdaun ba sala husi ema ne'ebe fiar ba nia.

Kriminozu nain rua mós prega tiha iha kruz, iha Jesus nia sorin.

Ida fiar ba Jesus no ba paraizu hamutuk ho nia. Ida seluk la'e.



Depois husi terus hotu ne'e,
Jesus dehan: "Hotu kompletu
tiha ona!" No Jesus nia
iis kotuk. Ninia obra
kompletu hela.
Kolega sira balun
tau ninia isin
iha rate foun.



Entaun soldadu
husi Roma taka
rate no halo vijia.
Ema ida la bele
tama ka sai.



Se istória ramata hanesan
ne'e, triste liu. Maibe
Maromak halo buat ruma
ne'ebe mravillozu! Jesus
la mate hela!




Iha dadeer-san, husi loron
primeiru husi semana,
eskolanti balun hasoru
rate mamuk hela.
Bainhira sira haree
ba rate laran, sira
haree katak
Jesus la hela
iha ne'eba.



Feto ida tanis hela besik rate.
Jesus mosu ba nia! Nia halai
atu fó hatene ba eskolanti
sira seluk: JESUS MORIS
HELA! NIA MORIS MAI
FALI HUSI MATE!





Depois, Jesus mosu mós ba
eskolanti sira seluk no hatudu ba sira
kanek husi pregu iha ninia liman. Ne'e
duni lia-loos! **JESUS MORIS MAI FALI!**

Nia fó perdaun ba Pedro nia sala no
hatete ba ninia eskolante sira seluk atu
ko'alia ba ema hotu-hotu kona-ba nia.
Entaun depois Jesus fila ba lalehan.



Paskua Primeiru

Istória ne'e husi Maromak nia Liafuan, Bíblia,

bele hetan iha

Mateus 26 to'o 28,
Lucas 22 to'o 24 no
João 13 to'o 21

"Esplikasaun husi ita nia liafuan lori naroman."
Salmu 119:130



Loos



Istória ida ne'e husi Bíblia hatudu mai ita kona-ba ita nia Maromak Maravillozu katak hakiak ita hotu no hakarak katak ita koñese nia.

Maromak hatene katak ita halo buat ne'ebe aat, ne'ebe ita bolu sala. Sala ne'e nia kastigu mak mate, maibe Maromak hadomi tantu ita katak nia haruka ninia oan mesak, Jesus, atu mate iha kruz no selu ita nia sala tomak. Jesus moris fila-fali no ba ninia uma iha paraízu. Se ita fiar ba Jesus no husu ba Nia fó-perdua ita nia sala, Nia fó perdaun. Nia mai moris iha ita nia moris ohin, no ita sei moris ho Nia nafatin.

Se ita fiar katak ne'e mak lia-loos, dehan ida ne'e ba Maromak: Ha'u nia Jesus, ha'u fiar katak Ita-Boot mak Maromak, no sai mane atu mate tan ha'u nia sala, no agora Ita-Boot moris fila-fali. Halo favor, tama iha ha'u nia moris no perdua ha'u nia sala, atu ha'u bele iha moris foun ida, no loron ida sei ba hela hamutuk ho Ita-Boot nafatin. Ajuda ha'u halo tuir no moris ba Ita-Boot nu'udar ita nia oan. Amem.

Lee Bíblia no ko'alia ho Maromak loron ba loron! João 3.16

